

## ताडबल्ला नरसंहार ता विरोध ते 25 फरवरी-2019

### उत्तर सब जोन बंद तुन सफल कियकाल!

प्रिय कॉमरेड्स, लाल सलाम!

7 फरवरी 2019 ते कोलनार सरकार ता ताडबल्ला नाटे दुश्मन कीत्ता हमला ते 10 मुल मिलिशिया कॉमरेड्स शहीद आत्तोर.

बीजापुर-भैरमगढ़ तल मिलेमासि दुश्मन तोर मनवा खबर पुंजि 6 तारिख नरका-नरका इंदा तुन पल्ली तल वेंडतोर. मति आके वायनस्के दो जन पुलिस तोर कोये बोंगा ने अरतास्के कोयेंग ओलसि घायल अत्तोर. ओरकिन पोयसि ओंदि बैच वापस दायनस्के पल्ली तोरकिन 4 जन दादालोरकिन इंदा एवनल ओसि विडस्तोर. बाकी बैचकु 7 तारिख नरकुमे ताडबल्ला कुयेर पोयसि तरंगतोर. अदे कुयेर ते तीन सरकार ता मिलिशिया तोरा मोटिवेशन ताकसोर मत्ता. दुश्मन तोरकिन बरा-बर डेरा समझे मायवनके दुश्मन कुयेर पोयसि तरंगतोर. मति अद समय ते मिलिशिया तोर ड्रिल कीसोर मत्तोर. अदे कोलर केंजि पुलिस तोर मोटिवेशन डेरा तुन 10:30 बजे घेराव कीसि फायरिंग कित्तोर. अद फायरिंग तल दुश्मन ता किलंग जोन लोपा तल 60 मुल पेस्तोर. बाकी 10 मुल मिलिशिया कॉमरेड्स शहीद अत्तोर. जन मिलिशिया दलम, तीन सरकारकुना मिलिशिया तोर पूरा मिला कीसि 70 जन मत्तोर. दलम तोरकिन बाताये नुक्सान आयो.

इद फायरिंग ते भरमार - 11, बारूद साढे 5 किलो, क्लेमोर - 5, प्लास - 4, डेटोनेटर - 9, वायर - 6 बंडल, तोप - 1 दुश्मन कैदे अरता. इवे आयवा बचोनो सामान अत्ता. फायरिंग अत्ता तुरंत ते ताडबल्ला ता जनता घटना जागा ते अंजि मावांग पिल्ला-पेकोर आंदुर हौवक्माट इंजि वेहतेके वेने पुलिस तोर घायल अत्ता महिला किन जनता ना कोण्डा मुन्नेने तिप्पाल कीसि हौवक्तोर. कैय-कालक किन नडकतोर. लाश किन चीनेमायवा लेक्का कीत्तोर. अव लाश किन पुलिसतोर पोयसि अत्तोर.

पेरके इंद्रवति ता जनता मिलेमासि 5000 तुक ज्यादाये संख्या ते लाश कुना पया-पया भैरमगढ़ एवनल अत्तोर. मति लाश किन बीजापुर ओत्तास्के बाकी जनता वेने बीजापुर एवनल अंजि मत्ता. पया-पया दायना जनता किन पुलिसतोर तुपाई ऊपी वेरपी कियला कोशिश कित्तोर. मति जनता वेरियवा लेवा मावा पिल्ला-पेकोरा लाश इत्तकेने दायकोम लेवेके हन्नोम इंजि पूरा चक्का जाम कीसि गाडी किन बेगडा अगाने रोमि कीसि मत्तोर. अद्रम पक्काये लडेमासि उचुक लाश किन 9 तारिख ते तत्तोर. उचुक लाश किन 10 तारिख ते तच्ची लड़ाई भूमि ते नारा हीसोरे पोहतोर.

असल इद घटना इतेके जरगो आयवार बहे, 7 तारिख नरकुम तले पटाखा पोकना आवाज केंजा वात्ता. अद आवाज केंजि सरकार तोर मनाकिन वेहतोर. पटाखा ना आवाज केंजा वात्ता पुलिस तोर जरुर पेस्तोर इंजि वेहतोर मति मनोर ध्याना हीवोर. इंदा हब्बारे पोकका मंतांग इंजि 10 बजे वेने ड्रिल कियना रोमि कित्ताद हिल्ले. अगर पटाखा आवाज केंजि ड्रिल बंद कीसि डेरा खाली कीसि मत्तेके इचोन नुक्सान आयना संभावना कमि मत्ता.

पुलिस तोर इतेके ओंदि बैच सतवा तल वेंडी बगाने आटवा लेवा नेतुरवाई ते वत्तोर. अगडल मेट्टा तरंगी सीदा मेट्टा-मेट्टा डुंगा ते पेस्तोर. ओण्ड बैच वांगेल तल वेंडी पोनाड वात्तोर. पेरके 9 बजे जाडका वत्तोर. ओंदि बैच पल्ली तल वेंडतोर. डुंगा वात्ता पुलिस तोर ताकिलोड तल वापस दायनस्के ताकिलोड मिलिशिया तोर क्लेमोर विस्फोट कित्तोर. मति बोनके बाताल आयो. 10 जन शहीद आत्ता जागा ते दो जन मिलिशिया कामरेड्स घायल अत्तोर. ओरु माकिन दोरकतोर, मावा कैदे मंतोर ओरा इलाज ताका मंता. 8 तारिख ते डेरा तुन जांच कित्तोम. पत्रकार लोर वेने जांच कियला 8 तारिख ते वास मत्तोर. ओरकिन पेपर स्टेटमेंट रासि लोहतोम.

- ❖ ताड़बल्ला नरसंहार ता खिलाफ ओसो भूपेश सरकार ता जनविरोधी नीतिंग विरोध ते व्यापक जनसंघर्ष तुन तेज कियकाल!
- ❖ 25 फरवरी-2019 उत्तर सब जोन बंद तुन सफल कियकाल!
- ❖ ताड़बल्ला नरसंहार विरोध ते व्यापक जनता लोपा प्रचार कार्यक्रम तुन ताकी कियकाल!

7 फरवरी 2019, सबेरे 10:30 बजे में हुई झूठी मुठभेड़ में मारे गए निर्दोष लोगों की विवरण

क्र	नाम	सरनेम	उम्र	गांव	महिला/पुरुष
1.	सुकू	परसा	22	उथला	पुरुष
2.	सुकू	बारसा	20	उथला	पुरुष
3.	विज्जे	माड़वी	20	उथला	महिला
4.	राजु	ओयम	20	उथला	पुरुष
5.	प्रमेश	बारसा	20	गोंगला	पुरुष
6.	सुदरी	ओयम	18	टाडोम	महिला
7.	शंकर	कडियम	21	उथला	पुरुष
8.	पालो	ओड़ी	17	ताडिबोड़	महिला
9.	रेयो	परसा	15	छोटेपल्ली	महिला
10.	शान्ति	आरकी	12	कोलनार	महिला

इंद्रावती एरिया कमेटी

माड डिविजनल कमेटी

भारत की कम्युनिस्ट पार्टी (माओवादी)